

www.BibleForChildren.org

San Mateo 8



Ni ya'a unì ta'an kivi', te ni yoo iin ña tunda'á' ñuu Caná, ña naá nuu' ñu'u' Galilea, te naá tu si'i' Jesús viko' jaan'. Te ni xa'an tu Jesús xiin' te nda'a' xa'a' a ikan', sakan' ña ni tatu ña'a' ne yivi'.



Te kij' yoo ka viko' jaan' ndii, ni ndi'i vino, ikan' te ni ka'an si'i
Jesús xiin' a ndii: —Köo' ka vino xaa' nja —ni kachi a'. Sakan'
te ni ka'an si'i' a jaan' xiin' te xaxa' vino jaan' ndii: —Saa ndo'
ndee ka ña ka'an ra xiin' ndo', taä —ni kachi a'.



Te ni ka'an Jesús xiin' te xaxa' vino jaan' ndii:
—Sakutu' ndo' sakuu' tinaja kaa' tikui —ni
kachi a. Te ni sakutu' kati'i' ra a. Sakan' te ni
ka'an a xiin' ra ndii: —Tava' ndo' sie ra' vitin, te
kundiaka ndo' ra' nda'a' te ndiso' chuun' xa'a'
viko' —ni kachi a. Te ni xan ndiaka
ra ra' nda'a' te jaan'.



Te kij' ni xi'i te jaan' sie tikui, te' ni nanduü vino ndii, xini ra
naa' tikui ni nduü ra'. Ndisu xini te xaxa', te ni tava' ra' jaan',
ña tikui ni nduü ra'. Te ni kana
te ndiso' chuun' jaan' te
tunda'á'.



Te ni ka'an ra xiin' ra ndii: —Xini e' ña sakuu' ne yivi' ndii,
xi'na ka vino va'a xaxa' nia, te kii' xa kuni tuxi' ra' ne ni tatu
nia, te xa'a' nia xaxa' nia vino
nda'vi. Te ndii yo'ó ndii, ni
taxa'a un' te' va'a ka ndee
vitiin te xaxa'
ra' —ni kachi ra.




Ña jaan' nduu' chuun ka'nu' ña nuu', ña ni
xaá Jesús. Te ñuu Caná, ña kandu'u' nuu'
ñu'u' Galilea jaan', ni xaá a ña
jaan', te xiin' ña jaan' ni nia'a a
ña ndiee' ña kumi' a. Te ni ini
ka te nda'a' xa'a' a xini
ña'a' ra.



Te kij' ni ki'vi Jesús vi'e Pedro ndii, ni xini a
kandu'u' ña' tiso ra nuu' yivi' tiin' ña'a'
ka'ni'.



Sakan' te ni tiin Jesús nda'a' a', te ni kiee ña'a' ka'ni', te ni ndokoṓ a', te ni xa'a' nduku' a' ña kuxi a.




Te xakuaa' nuu' kij' xa ni keta ñu'u kivi' jaan' ndii, ni xan ndiaka te ni xan ndiaka ne ndiee' ñuu jaan' sakuu' ne kuni kivi nuu' Jesús. Te ni xan ndiaka tu nia ne ñu'u' ña ndiva'a nimá. Te ni ndekuie kua'a' xava'a ne ndiee' ñuu jaan' yi'e' vi'e jaan'.



Te nī s̄anda'a a kua'a' va ne kuni kuv̄i nuu' ndee ka nuu' kui'e.
Te s̄akan' tu nī tava' a kua'a' ña ndiva'a ña ñu'u' nimá ne
jaan'. Te nī tax̄i Jesús ka'an ña ndiva'a s̄akan' ña xiní ña jaan'
yoo nduu' Jesús.



Te sakuu' ne yivi' ni xika tondia ña'a', sakan' ña xiin' ndiee' ña kumi' a ni sanda'a a sakuu' ne kuni kuvu jaan'.



ɔkan' tɛ nɪ ndɛkujɛ kumi' ta'an tɛ yivi' ndiso' rɑ jɪn tɛ kui'e
xa'a' kandu'u' rɑ nuu' jɪn tun' xtɔ.



Te kij' nī ndekuje ra xiin' te jaan'
vi'e mii' iin' Jesús ndii, nī kuvī
kuyatīn ra nuu' a, kuachi ndii
kua'a' va ne yivi' ita'.



Sakan' na ni kaa ra xini' vi'e xiin' te kuni
kuvi jaan', te ni xa'a ra jin yavi ikan'
sava ni mii' iin' Jesús. Sakan' te ni
sanuu' ra tun' xto mii' kandu'u'
te kuni kuvi jaan' nuu' a.



Te kij' ni xini Jesús ña ini te yivi' jaan' xini ña'a' ra ndii,
ni ka'an a xiin' te kuni kuvu jaan'
ndii: —Xa ni ndoyo kuachi
un', pia'un —ni kachi a.
Sakan' te ni ka'an a
xiin' te kui'e xa'a' jaan'
ndii: —Xiin' yo'ó
ka'an i. Ndokoo un', te
na'in un' tun' xto un',
te nu'u un' vi'e un'
—ni kachi a.



Sakan' te ni sko'nu' Jesús tixin iin tundo', te ni keta a kua'an
a, te kua'an tu te nda'a' xa'a' a xiin' a.
Sakan' te ndiee' va ni xa'a' xika'
tachi' nuu' mini jaan', sakan' na
kuii' ni nuta tikui ndee
ndasi ra' tundo' jaan'.
Ndisu Jesús ndii, kixin a.



Te ni ka'an a xiin' ra ndii: —¿Ndichun na yi'vi ndo'? Sie va inji ndo' xini ndo' yu'u —ni kachi a. Te ni ndondichi a, te ni ka'an chuun' a xiin' tachi' jaan' xiin' tikui mini jaan'. Te ni xikuijn ndoo tachi' jaan', te ni nakunaa taxin' tu tikui mini jaan'. Te ni nandanj va ra ka'an xiin' ta'an' ra ndii: —¿Yoo nduu' tu te yivi' kaa', na kuu' ndee tachi' xiin' tikui mini ka'an chuun' ra xiin', te kandixa' ña'a' a? —ni kachi ra.



'Kuachi ndii kundani ya'a Ndiosí ne yivi' iin
yivi', sakan' na ni ti'vi' a yu'u, ña nduu' si'e
a ña iin ndaa' tilu', iin yivi' yo'o'. Te yoo
ka ini xini yu'u ndii, koo' kivi' kuvu
ña nuu' Ndiosí, süu' jaan' ndii
natiin ña kivi' ñuu ña
koo' kivi' ndi'i'.



Romans 3:23 tē xa'a' a ña sakuu' e' xaa' kuachi ndii, xika' yoo' e' nuu' Ndiosí, tē küvi kuni e' ña ndatun' a.

Romans 6:23 Sakan' ña ya'vi e' ña natin e' xa'a' kuachi e' ndii, ña kuni a küvi e' nduu' a. Ndisu tumani' ña natin e' nda'a' Ndiosí xa'a' a ña ini e' xini e' xto'o e' Jesucristo ndii, kivi' ñuu ña köo' kivi' ndi'i' nduu' a.

Hebrews 9:27 Tē sakan' tu yoo', ne yivi' iin yivi' ndii, unta' kuiti' xi'í e', ndi'i jaan' tē kuaxi ña sana'má Ndiosí yoo' xa'a' ña ni xaa e'.

Ephesians 2:8,9 Kuachi ndii, xa'a' a ña ndani mii' Ndiosí yoo', na ni sakakú a yoo' nuu' kuachi e' xa'a' a ña ini e' xini e' Jesús. Sakan' ña küvi sakakú xiin' mii' mii' e', süu' jaan' ndii, Ndiosí xamaní' ña jaan' nuu' e'. Tē süu' xa'a' ña va'a ña xaa' e' sakakú a yoo', koto ka ka'an ninu yoo ka.



Romans 10:9,10 Sakan' ña naa' ka'an un' xiin' yu'u' un' ña Jesús nduu' xto'o nuu' sakuu' ña'a, te iní un' xiin' nimá un' ña ni sanatiaku ña'a' Ndiosí ndii, kaku un' nuu' kuachi un'. Kuachi ndii xiin' nimá e' iní e' xini ña'a' e' te xandaku Ndiosí nimá e' nuu' a. Te xiin' yu'u' e' ka'an e' ña nakuni ña'a' e' nuu' ne yivi' te sakakú a yoo' nuu' kuachi e'.

John 3:16,17 'Kuachi ndii kundani ya'a Ndiosí ne yivi' iin yivi', sakan' na ni ti'vi' a yu'u, ña nduu' si'e a ña iin ndaa' tilu', iin yivi' yo'o'. Te yoo ka iní xini yu'u ndii, köo' kivi' kuví nia nuu' Ndiosí, süu' jaan' ndii natiin nia kivi' ñuu ña köo' kivi' ndi'i'. Kuachi ndii ni ti'vi' a yu'u, ña nduu' si'e a, xaa i iin yivi' te katun' i ne yivi' jaan' xa'a' kuachi nia. Süu' jaan' ndii ni ti'vi' a yu'u xaa i te sakakú ña'a' a xiin' nda'a' i nuu' kuachi nia.



1 John 5:11-13 Te xa'a' ña yo'o' nduu' ña ni ndiee' yu'u'
Ndiosí, ña ni taxí a kivi' ñuu e' ña köo' kivi' ndi'i'. Te kivi' ñuu
e' jaan' ndii, nda'a' si'e a jaan' natiin' e'. Ne iní xini si'e
Ndiosí ndii, natiin' nja kivi' ñuu ña köo' kivi' ndi'i', ndisu ne
iní xini si'e a jaan' ndii, köo' kivi' ñuu jaan' natiin' nja. Ke'i i
ña yoso' yo'o' nuu' ndo'ó, ne iní xini si'e Ndiosí, te kuní ndo'
ña xa kumi' ndo' kivi' ñuu ña köo' kivi' ndi'i',
te iní ndo' kuní ndo' si'e a jaan'.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mixtec, Ayutla NT (miy) © 2016, Wycliffe Bible
Translators, Inc. All rights reserved.

<https://live.bible.is/bible/MIYWYI/MAT/1>

©2025 Bible for Children, Inc.

www.M1914.org

www.bibleforchildren.org

